

新续渭南县志

函一  
十册

新續眉南縣志卷十一

雜志

邑之有志凡關大體者咸提綱彙目以類舉矣而終之以雜志如鄉飲恩耆明尊賢養老也金石著述示稽古右文也小說裨史亦記徵往事也寺院庵觀悉錄別左道也休祥昭瑞災害告凶明物象之徵應也要亦修政考古者所不遺乎述雜志

鄉飲

明張恂

曹斌

郭立

舉人  
鬱祖

李祥

知州  
錦父

耿志名

單濟民

薛祿訓導同父

薛公恕

趙文

王哲

秦儀

李銳

舉人文進父

安彪

知縣夏父

劉名

張有成

井得江

張遜

王輔

白卿

單端

安經

安汝賢

盧潤張瓚侍郎經世曾祖

賀璽

高憲

馬朝宗

馬朝陽

馬亨

張守實

王時知州光培曾祖

張選夏

史柳

宋朝

張九原

史述古

陳善

王永良

白學詩

清景運熙

子慶雲副榜集雲諸生英雲訓導

張琰

朱秦

趙濟

王青霄

主事長年曾祖任汝璉

楊茂春子紹程宗程孫修基俱諸生

南衍祚

張標

盧崇文

盧崇謙

南沐

劉邦正

趙廷桂

袁穎栗

新續

周克俊歲貢生庭瑞父

陳文耀附貢生南陳家人

侯廷選歲貢生孝義鎮人

劉乙丙楊村人

劉志敬

劉士藻

劉世爵

劉貞臣

賀甲第坳底村人

李含芳庠生棠村里人

杜天佐貢生

杜天爵貢生

詹彩雲增生

詹得芝

詹良輔子路村人



焦榮棟

南焦村人

赫復成

白楊寨人

馬成忠

鄧守禮

東方曲人

閔志成

閔村人

馬瀛洲

仕東南里人

嚴士珍

郝名全

生員

李進

棠村里人

陳承祿

陳文玖

南陳家人

馮孝德

岸生來化里人

恩耆

張彬

任玉

韓德岩

薛貴

紀祥

程彥禮

劉秉

趙恕

申安

任廣

秦松

曹文

安宅

侯養民

楊世富

秦自省

副使隣  
晉父

張九命

知縣  
濡父

李永康

裴龜鶴

李儋

李

儒  
知州  
錦子

安養民

教諭承  
恩父

安守法

姚卿

趙忠義

張子琮

王應誠

張思誠

張天討

馬國重

郭遵賢

郭應科

李從先

知州元  
祚祖

朱推

盧大倉

孟盈

史載忠

史東隆

張世儒

辛泰

王文煒

劉鍾粹

馬邦閻

辛俞  
副使炳  
翰父

盧崇古

高志通

孟弼

唐際虞

進士之  
賓父

李思明

故市里人爲臬司椽多行陰騭  
邑管令扁其門日積善餘慶

王永海

王永嘉

任詩

南瑜

姜守廉

施葯四  
十年

王沂

辛朝珠

德重鄉評子姪入泮者十三  
人邑令匾其門日齒德並隆

新續渭南縣志卷十一

金石

漢蓮勺宮鑪見宋薛尚功鐘鼎款識

成化三年五月己丑工渭成徐孝屬定昌造

錯

新續渭南縣志卷十一 金石

尚功攷曰按劉原父先秦古器記云右一器上爲山下爲  
槃世俗謂之博山鑪然按其刻曰蓮勺宮銅一斗鼎非博  
山者蓮勺則宣帝屈民間嘗困處也至今櫟陽畧去長  
安七十餘里疑漢於其地亦有離宮歐陽修集古錄曰右  
林華宮行鐙銘一蓮勺宮銅博山爐下盤銘一皆漢五鳳  
中造林華宮漢書不載宣帝本紀云困于蓮勺鹵中注云  
縣也亦不云有宮蓋秦漢離宮別館不可勝數非因事見  
之則史家不能備載也錢坫吉金樂石款識題跋曰一斗  
鼎者容一斗也漢器有容若干斗之稱又有若干斗鼎之  
稱其義並同汾陰供厨鼎銘云汾陰宮銅鼎一枚容一斗

重十斤平陽一斗鼎重十斤是也

唐鴻州渭南縣令李君德清碑馬吉甫撰見集古錄

汪志案此碑爲元人翻摹泰甯宮記今字跡隱隱猶存  
王忠嗣神道碑今在西關外五賢祠內

宋泰甯宮牒在南門外宮內

賜華山下汾陰后土廟一所號曰泰甯宮命雲臺觀道  
士武元亨兼以住持

牒奉勅特賜泰甯宮牒至准勅政牒

大中祥符四年三月 日牒

左諫議大夫叅知政事李

起復左諫議大夫叅知政事呂

工部尙書平章事李

刑部尙書平章事宋

案碑銘諸文見存諸金石者不更載惟此牒恐久而易  
失故特載之

陳繹題名在王忠嗣碑陰

王臨題名同上

金重立泰甯宮記在宮內

泰甯宮鑄鐘記在宮內

元崇靈廟記在尹村祀晉周處碑也

蔡孝子順墓碑在東關外鄉賢祠

蔡孝子順碑陰記

泰甯宮包砌坤柔殿記在宮內

洞陽顯道忠貞真人井公道行碑何約撰真聖奴正書至  
正八年九月見寰宇訪碑錄

重立后土廟記卽泰甯宮在宮內

重立泰甯宮記在宮內

新續

漢蔡孝子順墓表在西關五賢祠前

隋蘇使君孝慈墓志石藏蒲城書院



唐祁國昭宣公王仁皎神道碑元宗隸書在官路鎮東倒  
碑寨今屬大荔

劉公夫人楊氏墓志試太常卿李約書石藏孝義鎮嚴氏  
炆家

魯仲瑜墓志賴裴撰太子校書姚南仲行書見趙明誠金  
石錄石今不存乾元二年

刑部尚書贈太傅右僕射太原白公墓志李商隱撰碑久  
佚

白樂天祠碑碑久佚

宋寇公旌忠之碑孫抃撰在下邳舊縣碑久佚

元崇靈觀碑記都轉運使王博文撰提刑按察使僕散祖英書在尹村

重修興福寺碑至正初石璟撰在忠義里

重修后土廟記余闕撰在泰甯宮

明重修縣城記副使薛騰蛟撰

西嶽廟碑郎中劉汝靖撰在武定里大蘭店

重修后土廟記南山居士薛敬之撰成化辛卯

關帝廟記同知薛敬之撰

重修城隍廟記給事中前知縣李希雒撰生員南學仲書

尊經閣記泰議南軒撰

演武場記同上

重修文廟記禮部尙書南師仲撰又一修撰唐汝楫撰又一國朝王琰撰

酒水橋記禮部尙書南師仲撰又一國朝知縣尙九遷撰又一通判朱可衿撰

史蓮勺學田記知縣張天機撰又一國朝知縣馮大任撰后土廟砌殿記李世堅記嘉靖乙卯

重修義勇武安王廟記太保孫瑋撰

重修后土廟記邑人裴斐撰萬曆三十年

少保弦蒲南公祠記宗伯王鐸撰

瀑園記司空南居益撰

重修董子祠記知縣徐吉撰

忠國公石亨神道碑大學士李賢撰書在縣北石家庄側  
武清侯石琇墓碑吏部尙書王直撰同上

都督僉事石岩墓碑戶部尙書沈固撰書同上

侍郎孫宏墓碑大學士李賢撰在尹村

秦政裴慧墓碑布政使趙文博撰在城南里許

秦政南釗墓碑尙書王承裕撰在秦村東

通判南漢墓碑布政使沈杰撰在秦村東西南

教諭南金合墓墓碑禮部侍郎呂柟撰在秦村西南

郎中劉汝靖墓碑修撰康海撰在辛市鎮南

同知薛敬之墓碑禮部侍郎呂柟撰在縣西南

訓導張吉墓碑知府南大吉撰在韓馬里

知州李錦墓碑禮部侍郎呂柟撰在龍尾坡東

知府南大吉墓碑禮部侍郎馬汝驥撰在秦村西

副使南逢吉墓碑戶部尚書魏學會書在秦村西南

主事劉鳳池墓碑知府南大吉撰在郭許里田村

副使薛騰蛟墓碑修撰李維楨撰在漕水南原

叅議南軒合葬墓碑大學士張位撰禮部侍郎劉元震撰

表在秦村西南

通判賈嶼墓表禮部尙書南師仲撰在潛西坊

通判南學仲墓碑修撰王庭謨碑在秦村北岡

知縣南憲仲墓碑侍御雷士禎撰碑同上

府丞楊光訓墓碑禮部尙書南師仲撰傳墓側在潛西坊里

光祿史記事墓碑太常卿沈自彰撰都憲李邦華書在田市南

下邳故縣名賢碑記孝廉劉懿宗撰

清五知堂銘知縣尙九遷撰

重修文昌閣記知縣尙九遷撰又知縣岳冠華撰

重修廟學記知縣孫士傑撰

五賢祠記知縣孫熿知縣岳冠華撰

龍神廟記李所撰

寇萊公祠記一邑人知縣陳銳撰一邑人學正唐順祖撰

忠烈楊公祠記邑人李棠馥撰

瑞泉觀水利記邑人庫大使蔣稔生撰

創建營房記邑人知縣唐若時撰

侍郎王承祖墓表刑部尙書張廷樞撰在酒王村

知縣唐若時墓表編修陳官俊撰在仕原鄉

權孝子禮輿神道碑陰舉人胡葆鏐撰在權家村東凹。

著述

唐姚南仲集十卷

白居易長慶集七十五卷禮部策十卷事類集要二十部  
卽白氏六帖制林三卷百道判一卷

宋寇準忠愍集三卷詩集三卷萊公勳烈一卷準曾孫宗  
奭編

明薛敬之道學基統禮記集傳洙泗言學錄定性說爾雅  
便音歸來集思菴野錄以上各若干卷

南叅政釗休亭稿十卷

薛悅之芝山野興稿一卷



南太守大吉瑞泉集二十二卷渭南志十八卷紹興志若干卷少陵純音十卷弟逢吉較註

南憲使逢吉姜泉集十四卷訂註會稽三賦三卷越中述傳四卷

張司馬經世撫宣疏草二卷

劉司馬鳳池東陵集十卷南師仲集

案舊志南師仲傳又有手輯王允甯集三十八卷

李希維政學訓言錄三卷益言四卷俱合渭南時所梓

裴文學貞易說二卷

薛副使騰蛟南岡漫稿十二卷書傳折衷六卷毛詩附說

十一卷

孟司馬重三撫奏議四卷豐麓存稿二卷

南叅議軒渭上稿二十五卷渭上續稿十一卷續邑志十二卷訂正通鑑前編二十五卷明關中文獻志五十卷南氏全譜五卷本宗譜五篇

賈監郡璵華山客集十卷

南棗強憲仲廣川集八卷親民近規一卷

案南師仲傳手輯憲仲集三十六卷

南宗伯師仲元麓堂集五十卷增訂邑志二十五卷增訂文獻志八十卷集杜五卷

孫太宰瑋奏草二十四卷部院奏草六卷

楊京兆光訓西臺疏草二卷

南冢宰企仲癡醒子三十卷

南司空居益晉政略二卷致爽堂詩二卷年譜四卷

南宮詹居仁適修堂集十卷

史光祿記事四書疑問五卷讀易夢覺九卷尙書疑問五

卷毛詩序考十卷澗陸語略二卷效愚草三卷兩合拙蹟

六卷三史抄四卷大成禮樂集三卷救荒補遺二卷又有

春秋事考禮記從纂共學講語典學堂會語榆介講語按

楚檄疏聞善錄讀史小記仁里約律呂輯澗陸洞文集甯

儉約共若干卷

劉孝廉懿宗寓菴集十卷易經摘要十二卷

楊進士自謙四書求是六卷易經要略四卷

薛操守蒞堪輿十三論

本朝劉司理矩宗棣萼堂稿八卷花友社詩草二卷

孫茂名士傑南月圓文集六卷象山詩草二卷嶺南雜咏  
二卷續茂名志二卷

朱孝廉英幟亦菴文集二卷詩集二卷

南僉事廷鉉壽樂園集金臺玉壘岷江諸集共若干卷

韓孝廉將傑詩序集解二卷尚書古本集解二卷左傳評

卷

雷績溪恒南遊草 卷綱鑑輯要 卷

唐蘭山若時怡堂文集 卷苦業詩集 卷

唐學正順祖留耕山房文集 卷 留耕山房詩集 卷

邱貢生天成痘疹仙傳 卷

案前賢所撰十存一二若不亟爲志之卽名目亦不可考矣

新續

易經註 忠厚堂詩集文稿進士王琰著

經藝堂時文光澤知縣王瑤著

可園集教諭劉兆泰著

詳批正味齋詩歲貢王煥春著

關中金石記續編一卷進士蔡汝霖著

古鑿今鑿內篇外篇共八卷生員趙重三著

三緘集恩貢徐應甲著

鏡湖詩草孝廉方正賀秉潤著

祿祥

隋開皇末渭南有沙門三人行投佗法於人場圃中夜見  
大豕詣其所小豕從者十餘謂沙門曰阿練我欲得聖賢  
道然猶負他一命言罷而去又有人寄宿他舍夜聞二豕

對語

隋書五  
行志

唐高宗永徽元年六月渭南大雨零口山水暴漂廬舍

唐書

五行  
志

宋太祖建隆四年渭南虻蚘蛭傷稼

明正德七年渭南地震嘉靖戊子關中大旱民流已丑蝗  
飛蔽天大飢甲午大水渭溢沒民廬舍乙卯季冬十二日  
子夜地大震聲如轟雷勢如簸蕩一時公私廬舍城垣盡  
圯死者數萬人地裂數十處水湧有薪有船板有鮮黃瓜  
縣東十五里原移路凸城中人和街北自縣治至西城陷  
丈餘一晝夜震二十餘次人人自危面無生氣是時邑令

亡惡少肆掠幾大亂賴中丞下方畧戡定之天子遣大使  
祭告賑卹大使不能宣布德意抵會城死已未猶震不已  
萬曆乙酉四月大雨雹損二麥丁亥戊子大祲殍逋載道  
已丑庚寅薄收甲午乙未後渭河日冲崩而南辛丑秋大  
水浪過屋梁人皆緣木得生水手里一帶沃壤盡成沙灘  
一毛不生戊戌夏大石村一帶二十里水雹傷田其塊大  
二三尺許戊戌夏井水溢辛亥春地震從西來有聲癸卯  
季夏朔夜水雹丙午丁未薄收下邽棠村一帶一粒不獲  
辛亥壬子瘟疫盛行辛亥秋未熟楊合所修煮粥有法飢  
民賴之壬子夏水雹狂風從西北來乙卯七月望地震從



西來有聲其年段村民家墻下出龍丁未仲秋九日地震  
從東來有聲戊午夏三月並明己未春兩日並出大小差  
異若相搏擊然頃之小者漸微大者闇淡無色己未秋東  
南有白氣約三丈許兩月始消庚申春靈陽里閔姓者其  
婦五鼓起見天裂數丈一僧出又二女子出一女提燈籠  
行三人往來盤桓天漸明始不見是年冬大雪至春仲始  
霽人多凍餒死天啟元年五月朔大風拔木迅雷擊樹南  
原一帶冰雹如卵麥果多傷叢桂西王二里地裂數處有  
濶二三丈長五六丈者初有氣人不敢下視投之塊杳不  
聞聲經日始合七月大雨彌月渭北一帶河水泛溢從子

夜橫來倉皇突塞而衝壁倒屋頃刻立盡扶老攜幼莫知所之號哭之痛漂沒之慘難言矣崇禎十三四年歲大祲麥米每斗價二兩四五錢各鄉鎮無糧市人民餒斃十之七八邑西關有人市年少婦人價不及千錢有飯一殮易一妻米一升易一婢者

本朝順治八年遠近火災煙起積草塚內救之焰愈上常數十塚皆燃人於麥梗塚內檢出雞毛綿絮一家白日庭木流煙須臾火起延燒九年至十年火災不斷南原西王里夜忽火發邨庄人家十塚九皆起焰排空人疑盜發登堡城視之見西北一帶火光越塹如平地而來近堡見

持炬人三尺許羣繞火際次日焚處拾一折簡字數行如  
人書跡其語云土地不甯天降兇神三位一收牛一收驢  
一收人人宜祭禱是歲牛死幾盡十一年六月初八日夜  
地震有聲如雷十二月二十七日縣南陽郭獨孤諸鎮天  
雨灰似葉灰狀大者如錢小者如指頂三日乃止花園一  
帶幾至覆地又渭邑距南山百里平壤綠野村社錯落從  
無山禽野獸之跡自順治十年鹿獐踐食近山田苗山雉  
羣翔邑南澗峪至十一年後虎豹遊于平川直至邑城左  
右日暮路斷行人十二年正月初三日土霧至十九日乃  
止二月初旬大雨六十餘日天雨蕎麥莞豆煮之皆成紅

水十一日夜半雲氣彌天地震如雷忽火光自東北來山谷皆動康熙元年六月大雨六十日平地水湧漂沒人家無算十八年八月大雨至九月平地水漂數尺人皆乘桴往來二十九年三月二十六日大霜麥穗盡枯三十四年四月初六日亥時地大震樹倏起倏偃鐘自鳴墻壁折損三十九年十二月二十一日自未申時無雲而雪至夜半止是日至二十五日渭水澄清五十八年四月十九日至二十六日渭水澄清徹底乾隆四十九年五月二十日午後狂風吹人倒地不能睜目折拔大樹無數五十年六月十二日狂風大起午後吹折仍前

新續

嘉慶二十四年四月初六日大雪

前志逸

道光十四年四月初三日高廟一帶大雨雹縱橫三十餘

里二禾盡傷

十五年五月

日竟日天黃

十六年大飢麥斗一千二百錢

十八年八月十五日夜白氣橫亘東北西南竟天如裂

二十四年夏淫雨四十日

二十六年歲祲

二十八年歲豐

渭水溢壞民田舍無數

二十九年八月十五日淒風苦雨嚴寒似冬地爲之凍南山積雪數寸

三十年犬疫死幾盡

咸豐四年六月初一日陽郭鎮西南繭綢山黑虎潭黑風旋起高數十丈東行隱隱如有雷聲至酒河水爲之竭鄉人火鎗轟擊風雹齊作拔數圍樹高與簷齊傷人畜墻屋頃刻淨盡碌礮飛溝上原往來奔盪如走丸雹形扁圓不一大者徑數寸長數尺逾日猶重數斤

三月初 日夜天紅如血

五年 牛進村地裂三十餘丈深不可測

六年七月蝗自東來飛行蔽日

八年夏秋間飛蝗滿野巡撫曾望顏令民捕蝗晝夜不息

十年十月初九日鳴雷雨雹

十一年十月初五日五鼓時雷鳴辰刻復鳴

同治元年三月二十八日午時天西南雲如人頭形

六月渭水涸人涉而過 七月飛蝗蔽日所過禾盡

十月地震 十一月又震

二年三月渭水深尺許清可見底 五月渭水流溢

六月靈陽里大雨如注平地水深數尺忽然地裂寬二尺  
餘長數丈其深不測水由裂處洩入 大疫 斗麥二千

七八百錢 十二月十五日大雪深三四尺

三四年鼠食禾且盡

五年西王里王姓婦產子兩頭四臂四足

六年七月二十一日申刻星隕西北有聲如雷 二十三

日午時天鳴如礮自東南起其形如練西北空行約六七

里許化爲烟氣而散 七月七日蛙大如錢自東西行徧

地蠕動人幾無下足處三十餘日始無 八九月淫雨墻

屋多壞

七年大飢麥斗四五千錢 九月虫食麥根幾盡

八年十一月原上天雨黑豆麥不可食 秋冬有鳥如鴿



獨爪如熊掌三指羣飛蔽日翼聲颯颯西北東南互相往來至九年正月始無

九年三月雨如蕎麥而小堅硬如石 二月二十八日雷電交作 三月初三四日大霜霧傷麥苗 詹家堡等處麥秀三岐

十年至十一年牛大疫 十月初一日大風雪深數尺衝衝盡滿

十二年極寒樹凍多裂死者

十三年十一月李姓牛產一犢八足

光緒元年七月十五日大風折樹

二年妖術剪髮辮

三年四年大旱無麥禾斗麥四五千錢道殣相望人相食  
剝榆皮屑而啖之人多黃瘦死有坐守空屋待斃者自二  
年六月至四年秋始大熟有每畝二三石者 二月十一  
日大風且霧

五年多鼠食牛噬嬰兒齧甕破 五月十三日寅刻地震  
六年歲豐斗麥百五十錢大麥數十錢 多狼食男女孩  
童無筭且有入屋噬人者

八年四月丙辰孝義鎮南門外耕者獲鹿

九年五月二十五日南山小峪一帶蛟水洪發近山膏腴

之地盡成石田

十年閏五月二十四日南山黃狗峪水暴漲激盪大石行數里聲如雷漂沒民田舍至縣西關水頭猶高數丈市廛多被冲壞

十一年十月初五日巳刻天鳴如鼓二十二日初昏巨星隕於西北色赤如火光芒長約三四丈至夜星隕如雨牛瘟疫

十三四年牛大疫死且盡 澇河川崖底村西北地忽陷周圍約百步

十五年六七八九月淫雨傷禾稼是年麥多紅朽 原南

雨雹如卵方十五里

寺觀

靈臺寺在南山麓相傳宋仁宗曹皇后建案唐錢起已有宿靈臺寺詩當非宋時建也

保甯寺在東關街明洪武十七年建萬曆四十年修

大覺寺在靈臺村隋開皇中建

龍興寺在水手里成化年建

紫蘭寺在忠義里

永慶寺在固縣里至正元年建天順間重修

中元寺在固縣里

大覺寺在集賢里明萬曆四十二年創建

興龍寺在故市里開泰中重建

龍泉寺在果園里萬曆四十一年重建

清涼寺在孝義里隆慶二年建

安慶寺在來化里有鎮風塔天禧初建

盛壽寺在南志道里

迎祥寺在北七十里志道里舊名寶豐寺明天順二年重修勅賜今名忠國公石亨監修宏治正德年間增修

興善寺在南志道里

木羅寺在北志道里

興龍寺在憑信里

雷和寺在義城里

興福寺在忠義里元至正初重修石璟撰碑

開元寺在仁德里

聖旨各開均行中重修

洪福寺在西南里宋政和初建

崇甯寺在慶寺里

福慶寺在張北里一名靈臺寺隋唐以前建

顯慶寺在郭許里唐貞觀中建

重慶寺在張北里元至正中重修

清平寺在潛河川西唐貞觀初建

慧照寺在下邳里宋咸平二年建大觀元年修明嘉靖三十四年重修內有塔塔下有寇萊公像

普照寺在秦橋里

金蓮寺在仕西北里

宏化寺在官庄里

興龍寺在趙村里

化佛寺在仕西南里有塔明洪武中重修

鐵佛寺在辛市里天順中重修

淨土寺在趙村里

化覺寺在杜化里

啟善寺在田市里

洪衍寺在靈陽里

廣慧寺在杜化里

彌陀寺在漕西坊里

萬善寺在渠泉里

西甯寺在江村里

龍泉寺在馮光里俗名清澗頭寺

靈源寺在陽郭里

清涼寺在大王村有塔後唐天成初建運使王澤題詩今  
存按在孝義者自是一寺



新編清宮集卷十一  
觀音院在煉曲里洪武年建成化間重修

十方院在叢桂里

駐馬院在西王里唐貞觀中建

明教院在新市里洪武中重修

淨土院在杜化里

彌陀院在漕西坊里晉天福中建

白衣庵在東關里

圓通庵在漕河東

鐵獅庵在叢桂里

背坡庵在張村里

嚴峪庵在馬峪里

冲虛觀在水手里元時有冲虛子雲遊至此得道遐舉因名其觀曰冲虛今更名長安觀

昊天觀在丹周里唐楊炯有昊天觀詩詩見藝文內

清微觀在西方曲里

虛極觀在西南里元至元間重修

成真觀在張北里元泰甯初重修

太乙觀在丹周里

玉泉觀在郭許里

紹陽觀在郭許里

太虛觀在臨渭里隋開皇中建

建明觀在靈陽里後魏普泰初建

宣化觀在漕西坊里

瑞泉觀在韓馬里觀內有泉四時不涸

清真觀在臨渭里

玉極觀在渠泉里

紀事

漢元年沛公謝羽鴻門鴻門在新豐境內新豐爲渭南舊縣名時羽兵四十萬沛公兵十萬

漢武帝時史書帝祠五時者凡五司馬貞曰秦宣公作密

時祠青帝靈公作上時祠黃帝作下時祠炎帝獻公作畦  
時祠白帝是爲四并高祖增黑帝而五也

晉永嘉三年平陽劉芒蕩自稱漢後誘羗戎僭帝號馬蘭  
山支胡五斗叟郝索聚衆數千屯新豐與芒蕩合黨征西  
大將軍南陽王模遣將滔于定破芒蕩與五斗叟並斬之  
唐白居易集中記異

華州下邽縣東南三十餘里曰延平里白集房本作延年  
里此從宋本里西南有故蘭若而無僧居元和八年秋七  
月予從祖兄曰暉自華州來訪予途出于蘭若前及門見  
婦女十數人服黃綠衣少長雜立會語于佛屋聲聞于門

兄熱行方渴將就憇且求飲望其蘭若蕭士清未至下馬自繫韁于門柱舉首忽不見意其退藏于牕闔之間從之不見又意其退藏于屋壁之後從之又不見周視其四旁則堵牆環然無隙缺覆視其聚談之所則塵壤翳然無足迹繇是知其非人悸然大異之不敢留上馬疾驅來告予予亦異之因訊其所聞兄曰云云甚多不能殫記大抵多云王胤老于此觀其辭意若相與數相過者厥所去予舍八九里因同往訪焉果有王胤者年老卽其里人也方徙居于蘭若東百餘步葺牆屋築塲藝樹僅畢明日而入旣入不浹辰而胤死不越明而妻死不逾時而胤之二子與

婦一孫死餘一子曰明進大恐懼不知所爲意新居不祥  
乃撤屋拔樹夜徙去遂獲全焉嘻推而徵之則衆君子謀  
于社以亡曹婦人來焚糜竺之室信不虛矣明年秋予與  
兄出遊因復至是視亂之居則井湮竈夷闐然唯環牆在  
里人無敢居者異乎哉若然者命數耶偶然耶將所徙之  
居非吉土耶抑王氏有隱慝鬼得謀而誅之耶茫乎不識  
其由且志于佛室之壁以俟辨惑者九月七日樂天云

酉陽雜俎記異

大厯中有士人庄在渭南妻柳氏庄居一子年十二夏夜  
三更後忽見一老人白衣兩牙出吻外漸近床前有婢熟

眼因抱其喉咬然有聲攫食之須臾骨露乃舉起飲其五臟見老人口大如箕子方叫一無所見婢骨矣數月後柳氏露坐有胡蜂遶其首以扇擊墜地乃胡桃也取翫之遂長如拳驚顧之際已如盤矣曝然分爲兩扇空中輪轉聲如分蜂忽合于柳氏首碎首於樹其物飛去竟不知何怪

博物志記異

博陵崔書生住長安永樂里先有舊業在渭南貞元中嘗因清明節歸渭南行至昭應北歇馬于古道左見一女似失路於松栢間遂令以僕馬送纔數百步忽見長年青衣

駐立以俟邀郎君至莊取北行一二里到一樹林室屋甚盛一青衣出傳主母命邀崔入宅既見從容敘言某王氏外甥女欲待君子巾櫛住三日讌遊歡洽王氏常呼其姨曰王姨忽一家大驚曰有賊至其妻推崔生於後門出纔出唯荒花半落松風晚清草露沾衣而已見童僕以鍬鍤發掘一墓穴已至櫬中見銘曰後周趙王女王姨之墓棺柩儼然崔生感之急爲掩瘞

河東記記異

貞元末渭南縣丞盧佩性篤孝其母病腰脚曉夜痛楚佩即棄官奉母旋歸長安遂寓長樂里將欲竭產求國醫王



彥伯日往祈請忽見一白衣婦人姿容絕麗乘駿馬縱一  
女僮來謂佩曰觀君顏憂沮似有所待佩以情告婦人曰  
妾有薄技庶不減王彥伯佩驚喜入白母遂引至母前婦  
人纔舉手盧之母已能自動一家歡躍婦人曰此猶未也  
當更進一服藥非止除痼病亦永眉壽母曰未知何階上  
答婦人曰但許奉九郎巾櫛則可遂於女僮手取所持小  
粧奩中藥一刀圭和以進母母入口諸苦頓平佩卽約爲  
妻每十日一歸本家唯乘舊馬倏忽往來略無踪跡一旦  
自其將出佩潛窺之見乘馬出延興門馬行空中佩又隨  
至城東墓田中巫者陳設酒餼瀝酒祭地卽見婦人下馬

就接而飲之其女僮隨後收拾紙錢載於馬上卽變爲銅錢又見婦人以策畫地巫者遂指其處爲穴事畢卽乘馬而回佩心甚惡之歸具告母自是婦人不從歸佩家使女僮傳語佩曰妾以君孝行有感故爲若婦今旣見疑便當永訣矣佩問今安在女僮曰娘子是地祇管京兆府三里內人家喪葬所在長須在京城作生人妻娘子終不失所但嗟九郎福祐太薄盧佩第九也

定命錄記異

王峻任渭南已數載自云久厭此縣但得蒲州司馬可矣時奚三兒從北來見一鬼云送牒向渭南報明府改官蒲

州司馬便與相隨來渭南見峻當時鬼在廳堦下曲躬立果三數日改蒲州司馬改後二十餘日不到三兒後見前鬼問故鬼云緣王在任贖請官錄所以此除今此欲盡至某時當得上任上後驗言

太平廣記記異

韋莊幼時常在華州下邽縣僑居多與隣巷諸兒會戲及廣明亂後再經舊里追思往事但有遺跡因賦詩以記之明嘉靖乙卯地震前一日有羽士過民間言今夜半有一大宛向西北拜禱可免聞者如其言果驗又方震時有聞空中神數言救人者豈非天人之際本自相關而天德好

生故乃露其機耶

新續

鈕琇物觚記事

康熙壬申癸酉兩歲西安洊饑斗米千錢道殣相望渭南縣民趙午鬻其子女已盡家有一母一妻無所得食擔其釜贖就粟湖廣趙以其母老而善飯常生厭棄之意其婦王氏事姑至孝隨事益謹癸酉四月行至商州山中午謂婦曰老母步履艱難汝負擔先行俟我挾之徐走婦是其言遂於前途息肩以待午狂奔追及婦問姑何在午曰少頃卽至矣婦怒曰龍鍾老人何以令其獨走以擔授午仍

回舊路覓姑午掌摑其婦數十攜擔竟去婦回至一僻所見其姑面縛於樹以土塞口氣將絕矣婦急解姑縛摑口出土捧泉水灌之乃甦僵僂負姑行二里許其夫已爲虎噬投擔委衣殘齒狼藉婦視而啼曰天乎趙午大逆遭此虎暴非死於虎死於神也道旁聞者無不嘆息稱婦之賢而快午之斃是時商州守戴良佐散賑龍駒寨婦負姑久色狀餒疲適經寨下戴守召詢得其詳厚賜以金令婦還渭南養姑感泣而歸

新續渭南縣志卷十一終

新續渭南縣志卷十二

修志源流

渭南志原輯序

李宗樞

瑞泉先生旣屏居于渭卜築酒西別宇日偕邑子之屬覃  
析大道著述元言慨邑有故志訛跋亡紀文獻曷徵乃博  
摭籍傳洞窺今昔錯綜櫟括作渭南縣志云志有圖有表  
有考有傳其悉在諸卷端圖二卷表四卷考五卷傳七卷  
凡一十八卷志成嘉靖二十年歲在辛丑之秋時宗樞以  
先恭人之喪未除不獲陟宮牆侍鉛槧悵焉有懷比旣禫  
適渭見先生示宗樞得縱觀焉先生曰爾其叙諸宗樞固

遜弗獲乃奉卷作叙叙曰夫志宣隱闡微稽物垂軌以貽  
來者則也而詳畧適其分者體也是故州縣之志貴悉而  
理其體詳省府之志貴統而要其體畧猶之建官敷政焉  
省府之長其秩崇其政闔否則濫而弗勝偏下之弊生焉  
州縣之牧其秩殺其政細否則疎而弗舉僭上之弊生焉  
是故君子覲程以審則立義以審體而後可以言志矣粵  
自東漢南陽撰作風俗羆縣始各爲志嗣是有作遐哉末  
繇考已今之志者或失則煩或失則簡鑑焉者亦弗究其  
体而槩焉與之均之弗思焉爾矣茲編也圖以宣隱表以  
闡微考以稽物傳以垂軌不侈而悉不迂而理故君子外

之以治人則慎而平內之以持已則敬而修邇之以博識則倫而備遠之以徵往則該而不遺裴駟稱司馬氏之史其文直其事核不虛美不隱惡謂之實錄劉向楊雄謂其有良史之才先生兼有之矣夫古之哲人貞士格于時而道不能用恒託詞焉以詔天下後世則志之作也可知已先生其它著述履歷世亮有精鑒嘉樂而傳之者茲不載祇復明訓且有感于斯志也敬綴蕪詞庸著大較云嘉靖辛丑秋日

渭南志續編序

知縣  
崔邦亮

蓋不佞以丁亥秋代匱渭上歲當大禋庾無儲待民多縣



秉余爲是懼日夜訛疾苦勸分茂穡振滯緩征卽文獻一  
大事未遑及焉迄己丑秋則再稔矣國常民瘼業次第請  
興革矣重念彰往察來匪志曷徵故志作于瑞泉南先生  
其博綜互覽直筆宏詞學士往往稱之第時移事殊寥寥  
五十載未之續述則官茲生茲將安鏡攷邪遂與邑大夫  
士共圖之維時陽谷南大夫衆所屬望也余因造廬請事  
大夫曰文不易譚史曷容易是舉也檢閱匪博則考質不  
該藻鑑未精則予奪弗當敢謝不敏余曰昔談遷彪固之  
爲史也率繼世以成千載而下猶若膾炙讀者謂其涵濡  
有自云茲志蓋公家世業也異日公讀書中秘明今昔之

故己而握銓衡辨官掄才人號冰鑑倘所謂檢閱博藻鑑  
精者公何讓焉大夫重違余請遂受簡從事歲序再更濡  
削頻易一邑之事可抵掌矣余惟志史之遺也今之志郡  
邑者卽兼兩奚載第詳則回冗簡則脫畧昭淑慝縣鑒懲  
詎不難哉茲志也以封域則疆理明以建置則興廢昭以  
祠祀則邪正辨若言食貨則田戶興謝風俗涓滴治安之  
謀也若言官師人物則揚匪溢美抑匪私憎春秋之義也  
廣忠愛存僑居稽災祥徵文獻則選舉諸篇又犁然可睹  
簡而盡質而有文信足紹明世父之業余因嘆南氏兩大  
夫之爲志也總之並建旗鼓垂範今昔矣第不佞愧懦卽

所注措安當碩畫而紀載不遺余蓋有愆于衷矣嗟乎大  
夫淵抱深識未盡厥施今雖偃息渭濱而起弊維風痛悉  
幽隱有深意焉故一篇之中語纏纏不休詎徒備故實參  
彌文爾耶余受而卒業欲藉之以廣知慮効尺寸冀免罪  
戾敢不拜大夫之惠若夫時久難舉執重難挽者則當徐  
圖關策邑大夫士其謂何哉萬曆庚寅季夏

渭南志續編又序

副使

薛騰蛟

邑人

今天下郡縣有志古謂之圖經土地人民政事在焉可以  
彰往察來是以當事君子務焉渭南稱望縣疆域甚狹廣  
五十里而近袤百里而遙南有山磳北有沙鹵渭不灌溉

時有衝沒而賦溢漢中一郡渭南不當漢中二十之一民之貧以稅之多苦矣迨隆慶初有令丈地均糧有司不能履畝但令自報奸民或隱或寄或竄之單屯王莊或爲隣封所攘黠吏乾沒其間地以益少稅以益多而民愈苦矣萬曆十二年有再丈之令有司廢格不行四境於邑至于風俗之敝由質而日趨于文由儉而日趨于奢田漙而日趨于漓極矣民之貧又不止于稅之多利而導之挽而回之吾不能不致望于當事之君子焉縣故有志瑞泉先生修于嘉靖辛丑距今歲逾四紀無有續者至萬曆己丑邑侯東明崔公乃屬叅伯南公叔後續焉刻成余得而觀之

采錄渭南縣志 卷十二  
四  
一邑之事備矣而田稅三致義焉蓋民瘼也故余于此刺  
刺不嫌于鄭重以復崔公爲志序萬曆庚寅六月

渭南志續編又序

參議  
南軒 邑人

余續渭南志蓋惟勉緝先緒云初余世父瑞泉公撰渭南  
志在嘉靖中義例倣之遷史評者稱其有良史才謂足傳  
信也顧余顛蒙曷能贊一詞然溯厥絕筆今越五十年所  
矣時事民生官聯文獻逖然而來淋然而往儻忽卽成今  
古不有紀載恐竟湮沒後將奚觀焉以故張侯士隆嘗稽  
典悼闕屬余論著余不自揆謬爲搦管顧久之猶然未就  
崔侯德嚴繼至會歲祲綏逋未遑洎期月化行惠洽乃儼

然臨况欲竟前諾於戲二侯之重邑乘固殷矣且也當世  
父作志時嘗曰續述渭陽父論撰之意以俟後之君子乃  
後世父修文越廿餘年先大夫亟圖續述顧垂老未暇蓋  
嘗慨嘆委之不肖云嗟乎乃不肖今又老矣又閱年所多  
矣顧猶悠悠不就先大夫之遺命謂何二侯之托重謂何  
余爲是懼輒詳考百家衆氏博詢里中長老并舊志所載  
故實僭加增削附以管見卽事分類爲目一十有二總成  
一編題曰續渭南縣志凡以仰副世父俟後之意暨先大  
夫之遺命云爾第媿才非史筆識謝方聞知我罪我其何  
說之辭若更加刪潤以匡未逮垂不刊之典仍有俟于後

之君子萬厯庚寅午月

渭南志續編又序

太保

孫

瑋

邑人

嘗謂邑志猶國史也惡庸易諸春秋而下爲史者無慮百數十家而後推直筆獨史狐然又安可易也渭故志嘉靖間瑞泉南先生爲者文直事核足稱良史矣數十年來變異沿革臧否興謝亦殊紛逕顧缺焉未之具也東明崔侯至墜典畢飭憮然曰文獻不足責誰與歸乃屬厥事於陽谷南公若曰公蚤讀中秘書習史事宜能世厥業無忝前修公授簡十月而告竣事稽往章來抽元發隱爲卷凡十有二命之曰續示弗敢易云余覽而嘆曰美哉舉也卽是

而侯之品見矣蓋志要典也起敝維風匪茲胡鑒授時經  
野匪之胡從祛蠹拯溺匪之胡辨今舉一邑事較若列眉

明若照燭則繼是之官茲生茲者鏡於斯惕於斯日懲慙  
於斯固有若斗運景從而莫知所以爲者夫其助流風教  
裨襄治理不細矣營營急簿書而沉煩黷者辨邪故曰卽  
是而侯之品見矣若公之窮精極智用圖無負於良史後  
將有卽志以品公者余無俟嗉喋爲焉萬曆庚寅林鍾月

增訂渭南志序

知縣

徐吉

稽鄭漁仲曰志之大原起于爾雅馬遷曰史班固曰書華  
嶠曰典張勃曰錄第其中或浮於論議或畧於事實率亡  
當爾雅志之難言久矣不佞己未秋自蒲移治渭上渭當



孔道輪蹄交錯兼以加派助餉之檄日夕旁午文墨未遑及焉越庚申諸緩急稍稍就理搜志按始末創於瑞泉續於陽谷兩南大夫第戊子而後未經載言無從考質不佞撫心深思焉因造太史元象南公之廬而請曰志公家世業也矧邑甲三秦當孔道人文所窟宅冠蓋所輻輳丁亥以前往固彰矣而來無所鏡不幾成闕典哉公慨然曰是志也先世大夫疊爲纂創駢羅載籍而成三十年來庚修有議載筆無從往邑侯今直指周卜楊公留心於是業已委命乃覲行留選事尙有待今雅意銓次誼亦何辭遂延文學數輩徧歷岩谷咨訪父老質勘同異復詢薦紳先生

罄所睹記再加編輯爲卷一十有六起辛酉仲春厯季秋  
始告竣事不佞受而卒業上下數千百年洞若觀火矣遂  
序曰提封百里闔澤欲流山谷隔閼幽隱豈周廼著圖說  
千室之聚延袤百里跨秦東南相爲唇齒廼志封域象山  
巖嶠滄渭滌紆如螺如帶獻秀逞奇廼志形勝徘徊適魯  
揮涕浮湘流風興感懷古不忘廼志古蹟寒山秋草夜室  
常扁佳氣蔚蔚想像儀型廼志陵墓先進匪野純儉吾從  
破觚斲珷返於洪濛廼志風俗王公設險保障居先相彼  
名邑隱然重關廼志城池百年累積編齒滋蕃國脉攸繫  
生道孔艱廼志戶口則壤有制徑竇紛紜辨方履畝版籍

載清迺志田賦征調頻仍心矜往役節以制度期於休息  
迺志徭役山蹊燥壤引灌莫施陂堰瀦滴旱魃攸資迺志  
水利咀山嶢嶮不產珍奇菽粟絲枲徧土是宜迺志方物  
周旋禮陽陟降禮陰有其舉之期格精禋迺志祀典烽警  
密邇無事張皇慎固封守以備非常迺志兵防分職列事  
各有司存敢告在位作士勤民迺志官師流風善政須藉  
良吏事視已成譽其有試迺志名宦山朗水秀棫樸菁莪  
經明行修應運網羅迺志選舉忠肝天植大義夙敦以死  
勤事媿彼二心迺志忠節百行之原萬事之紀發潛闡幽  
高樹懿矩迺志隱逸柏舟絕咏黃鵠興歌冰霜凜凜力挽

顏波廼志烈女分猷展采爰賴臣寮報隆所自華袞載褒  
廼志恩錫含靈孕采摛藻敷瓊陳詩觀風考古鏡今廼志  
藝文災祥類應變出不虞詰人明炳先事消弭廼志利病  
凡此皆太史公苦意編摩焜燿奕世之大業也不佞更有  
申焉夫政莫大於經時教莫重於宏化事莫准於稽古法  
莫要於宜民將安取衷哉孟子曰君子反經而已明道術  
正人心俾官師因之表率寮屬父兄因之訓迪子姪斂華  
就實去僞歸眞人心正而學術明教化行而習俗美是司  
牧者責也所藉以風之者斯志之功大矣是舉也潤色舊  
編者什六剏起新觀者什四太史公沉毅淵邃好修稽古

新編渭南縣志 卷十二  
良史才也其功當與志相終始云

增訂渭南志又序

南企仲 邑人

國有史也邑有志也昭景甲氏也龍門具體二班兼麗允  
矣成名渭南志創自余曾祖成于余祖君逾若干年而余  
世父續焉又若干年而余兄緝之書既成余得寓目焉每  
惟龍門生敘事論議多有裁味篇末小論轉爲心化發傳  
所未盡非覆說也班氏溺其旨約其詞近無所得殆少可  
意者范蔚宗獨得胸懷于班可當青出祖君守越芟夷巨  
盜多所平反懸而里居正學作人渭稱文獻焉叔祖出守  
蜀豫不異祖君乙卯地坂擒首亂而磔之亂庶遄已邑人

德二祖而頌其烈謂宜專祀如二程格以祀典甯直義起  
今志中不少概見兄也豈其嫌于爲身而有顯辭也而遂  
內避之乎今肯遼波澎湃延川塵盆憚當事而發英靈九  
原有作將誰與趨君子曰是役也徐邑君光度而章官庶  
兄承志而文章耶行而遠者志耶

增訂渭南志又序

光祿

史記事 邑人

今守令往往急簿書期會而稽古証今者不少概見邑徐  
侯以愷悌君子自蒲優調渭上不期月清和咸理政暇思  
徵文獻一曰式廬南史而問志焉亡何梓人報竣矣故志  
刪於瑞泉先生而陽谷先生續之世稱名筆今太史復纂

輯上世之業華實萃是矣良史哉憶昔盛時有皇華使馳  
驅四牡諏謀度詢駢駢靡及歸以入告詩卽志也天子五  
年巡守諸侯朝於方岳敷奏民隱書卽志也今志成值侯  
上計敷陳端在是矣春秋編年直書行事媿惡予奪錙銖  
不爽此又志之始也渭邑因革利病畧見編中姑不具論  
其痛癢之大者孰如遼事渭自輕則被擾履畝未清方苦  
賦重頃年來履畝溢稅至萬二千餘矣此其苦奚啻敲吸  
至各役之朘削復稱不貲舟子青夫尤爲向隅渭所恃者  
耕織耳括遼金錢歲至萬四千餘睠言顧之惟有潛涕歌  
大東已爾且旱澇相仍幾人瘞寒墮指不能依績以糊口

今上嗣服幸有秋矣而渭水滔天濱河室廬衝塌殆盡漂  
蕩沒稼至不忍視猶且風拔木雷擊樹雹傷禾地裂東南  
咎必有徵至壯丁之選逃而復募徒糜金錢無益撻伐在  
昔兵農出于一國朝民養軍軍衛民立法良有深意今胡  
加餉索之民而加兵亦索之民乎民徭有則軍徭無則倘  
附軍於民誰不草偃相從且更得督武如督文例令郡邑  
長執其事歲可得材官健卒若而輩以備緩急之需誰謂  
負弩無人哉吁此猶就遼事論也而渭之夙蠹鹽政居一  
焉河東鹽不至渭者累歲矣而比引星急是誰收漁人之  
利乎夫渭購他邑引苟免于舉不知他邑又將何以自計



親親渭南縣志 卷十二  
也渭蒲接壤一望斥鹵故鹽嫩而用稱便今太原汾州俱有票鹽自隆慶之季始此後事之師也之數者皆民瘼所關余聊爲綴及一佐囊草一籌願候留意焉俟它年事業先自渭始太史行且操觚紀之矣詎邑乘光哉

續增渭南志序

知縣

尙九遷

國之有史也天文星厯紀焉地理延袤載焉制度因革具焉人品臧否辨焉凡以著往蹟風來葉使後之人有所據以考焉爾下至省有通志郡有郡志邑有邑志則以史之流也然而省詳於國郡詳於省邑又詳於郡夫非要無以明統非詳無以盡物詳要合而國史成焉者人謂史以傳

信懼睹記之未悉而傳聞之失實也是以修史者必徵四方之志外及傳記小說方言地理職官氏族諸書掇而輯之以成書而四方之賢者亦樂志其邑之典故以待輶軒之採豈非以其得之睹記者悉爲可傳也耶使邑無志國無史矣謂邑志可無哉故事有在一時一隅而彙集之卽爲一代全書後來龜鑑者志之於史是也雖然志亦不易矣識不精則品隲謬學不博則故實疎才不瞻則文采詘謬疎且詘俱不可以志故曰志不易余不佞釋褐承乏渭上往來豐山渭水間目擊風物之壯慨然想見其全盛退食之暇取舊志披閱之爲卷十六爲目十二創於邑先喆

瑞泉南公厥後陽谷南公續之元象南公又增修之有班  
椽之簡核而寓馬遷之宕逸洵足稱直筆號良史矣顧抵  
今且三十餘年玉步既更封疆如故其間官師遞易人物  
代興政事文章實足焜燿青編與夫建置祠祀之舉廢財  
賦選舉之增減星宿移易陵谷變遷皆不可以無紀在昔  
邁闢之變兵燹頻仍舊章泯闕不有載筆徽躅曷考故事  
曷稽不且與邱墟榛莽同歸荒廢耶且余蒞茲土數年矣  
唯故老存者指不一二屈猶能道其軼事顧不克據所睹  
記者信而傳之過此文獻無徵不尤難耶異日者徵四方  
之志爲一代之書而採錄無資是余罪也於是與鄉先生

謀庚修之僉以爲宜廼敦懇之別駕鴻洲朱公公博物君子雅負史才然猶遜謝再四廼始首肯又不自居作者掩前人功起壬戌迄今丙申規模條例一循舊本而芟其繁蕪益以未有仍冠先喆簡端而退處于續增之列不數月而告成凡若干卷余受而讀之簡而不脫詳而有體三十餘年間文章政事之迹舉廢增減之概移易變遷之異展卷對之較若列眉以品隲則當以故實則核以文采則優將以著往蹟風來葉稱傳信之書爲國史之助使後之人據而考焉者於是乎在謂非識之精學之博才之瞻而能若是乎然則是編也卽以方之古作者無多讓卽以質諸

三南先生爲有功矣遂捐俸金付之剗氏役旣竣爲述其始末至若諮訪則籍諸文學彙集則屬二廣文較輯則明經李文伯宣其勞潤削則孝廉劉孟常煥其彩余唯是藉手朱先生洎諸君用告成事焉爾頃以不才謬蒙

內詔旦夕治裝與諸父老別矣幸茲役之成也將攜數策往鄉之人其有問余以渭之風土者乎則舉以告國之史氏其有問余以渭之鄉先生之已事者乎亦舉以告順治十三年丙申

續增渭南志自序

別駕

朱可祔

邑人

邑志增訂於宗伯南先生蓋天啟辛酉事計三十六禩矣

時勢殊遭因革互異邑侯東萊尙公見而歎惋曰志以紀  
事亦以傳信也而人事與紀載如適北而南其車則亦奚  
用此餼羊之存乎慨然有增修之意惟時人賢凋謝文獻  
不足乃委命于逸叟枉駕敝廬意甚殷也余曰某何人  
斯而謬膺茲任乎鑑昏于病耄則不能別淑慝筆束于帖  
括則不能脫凡俚地限于卑瑣則不能專去取具三不能  
而爲貂之續恐識途之智無幾而致遠之力易竭亦甲顏  
甚矣侯固命之且曰予籌之熟矣採訪有諸子矜彙收有  
兩廣文商確有劉孟常孝廉公第據而筆之亦不朽事曷  
孫爲請益堅余唯唯始取前志卒業焉纂述贍整考覈精

詳毋庸置喙矣第就採訪與彙收者得若干款與孟常商訂之或據志狀刪演或據聞見彙括或列之傳或標其名或彙彙繁言始悉其行詣或寥寥數語已概其生平或表揭徽懿而昭垂模範或擊節幽芳而庶幾表揚皆有據而闡宣非無根之荒唐也至若指陳戶口檢點力役著裁汰之苛揭瘡痍之苦亦杞人之憂天賈生之過計耳總之此心虛公無感惠徇知之見無疾俗憤世之私對天日而可白質神明而不愧者也舊志立傳稱名史法也余於先達稱公不敢以史筆自命也諸傳多屬臆增惟辭蕪句點抹名賢惟南氏五傳爲孟常鴻裁珠玉在側覺我形穢矣是

役也咨訪則益友綜類則學博翦拂則孟常至稽覈詮次則明經李文伯之勞居多余以老憊之軀塊然中處藉手以報侯命侯循政多端更僕莫悉茲舉特全豹一斑耳後必有史氏書之無俟余之喋喋也前上谷別駕符撰順治十三年

續增渭南志自序二

朱可祚

先是東萊尙侯之蒞茲土也拳拳以增修邑乘爲事而屬余載筆之役植內召敦迫侯急于觀成故中多挂漏

參錯之失茲者鶴湖陸公繼至加意修復仍以原刻付余補其闕畧訂其差訛製序而梓之公政事文章一代宗工



新系渭南縣志卷一  
一  
卽一事之精研而事事之周詳可知期而改觀久而化成  
邑乘其造端也未

續增渭南志序

知縣  
陸贊奇

郡縣之必有志何也非特征里道記興廢而已也非特備  
勝覽考顧問而已也蓋將輯畧成書若者爲便若者爲不  
便特以告誡令茲土者使展卷了然不必詢諸父老亦不  
必謀諸草野而利弊要害洞如觀火晰若融冰何煩聚米  
畫沙日中具有全邑規模故足述也余承乏渭上受事之  
初卽欲問風土諏興革以熟古新豐規則荷兵垣尙公下  
教之日卽以志書相餉余讀之下覺喜形于色志快于心

序事則詳且婉編年則簡且盡嚴而不遺直而有體雖河  
北膠東之紙風雲在目垣曲樂安之館斷制在心何以加  
茲然余用是懼何也茫茫疆理畛域是定爲問今日果能  
讓畊讓畔男女別途乎則可懼雉堞泮流壇壝垣築爲問  
今日果能旌旗壁壘煥然一新乎則可懼俎豆蒸嘗羣公  
先正爲問今日果能感格無愆五風十雨乎則可懼徵賦  
倉箱戶口廛闐爲問今日果能家給人足外戶不閉乎則  
可懼懼則思思則惕於渭南之封域而知環河枕山之當  
綢繆也於渭南之建置而知郵亭傳舍之當繕葺也於渭  
南之祠祀食貨而知春秋稅課之用一緩二也於渭南之

官師人物而知功過褒刺之不可磨滅也於渭南之節義  
選舉而知完行曠典之時宜舉行也於渭南之遷寓紀事  
藝文而益知僑盼風雅之古今無改也引而伸之觸類而  
長之則縣志一書直縣令座右銘也直縣令四事箴也諸  
薦紳寓筆於此以教余古先賢垂青於此以啟余也敢不  
慎諸敢不勉諸

續增渭南志序

教諭  
王鳴燦

邑乘從來有之所以載山川紀人物核生產綜古蹟俾駐  
節觀風者庶幾從尺幅中得故實也渭號巖邑且當午道  
之衝遊客憇輶憑弔渭水象巖間三輔佳勝指不數屈至

於鍾靈毓秀偉人間出若者節義若者忠孝若者冠冕若者逸隱取諸梨棘所刊如渭南志者莫不瞭然指掌邇來文獻凋殘金玉與瓦礫同塵不能起昔紳庶髦而與之言百里記載事良缺畧尙侯才當八面簿書有餘暇輒訪咨縣志自辛酉絕筆數十年於茲後起者闕而不傳甚愴怛也爰是式廬前監郡朱先生先生良史才也行年八旬矣珥筆歷數月而刷氏告竣一日尙侯云予叨牧茲土欲成渭人不世績液幾枯而粗成一帙已爲竹冠而屬君以珠履用光斯舉其亡辭余覲顏曰公之文如山龍虎雖矣而綴之彞屬火浣也者人猶且訾之况余所綴緼賡耶俾狐

白而驚然見一斑顧乃自羞然一瓊渭干凡公之治效政  
聲耳而聞之諸椽筆記述都悉姑亡贅若乃典籍國之紀  
也公加意於此必殫心力而成之其尤家於興除之大者  
耶余剪西牕下燭不差以一言續貂夫留床載石昔人誇  
以爲美余謂遺胡床不若貯嘉木載石舟不若載書籍也  
公且駕漢循吏而上之矣乃者欽擢如京幸有公膳成之  
尊經閣在藏書其中得毋比於甘棠乎後來者啟篋而披  
之與渭民共凜剪拜渭且有以志公矣至事業垂竹素勒  
彝鼎光彤管皆自渭南始巡方攬轡而陳之史氏執簡而  
書之詎僅渭民志之耶

續增渭南志序

訓導  
方從聖

時分氈渭上之次年渭志告成渭學士請余綴言末簡余  
惟志之不可已也其來舊矣如詩作則十五國志書作則  
二帝三王志易作則天地日月四時志禮志節樂志和固  
志也春秋一魯志也以素王之筆行帝王之權無非留此  
一綫以存王迹耳若是乎志之所關鉅也渭侯尙公蒞渭  
之日仁民育物釐弊剔奸墜者舉廢者興期月而政清刑  
省恢乎有餘地矣乃拳拳以增修渭志爲事欲得老成諳  
練者載筆則付之別駕朱君欲得博物鴻辭者潤削則付  
之孝廉劉君以廣詢博訪不可無人則諸文學先之以詮

次考較不可無人則李明經繼之又謂芹宮爲公議之源本以余與王先生忝振鐸之責俾彙集而斟酌之不數月而厥功告竣余取而閱之經先達之裁訂者屹然如故爲今日之增訂者井然臚列土俗民情興革黜陟一展卷而厯厯指掌可以資考覈可以垂久遠可以備觀風之採擇可以補國史之闕略誠我公不朽盛事而公之實心實政可舉一而該百矣公奉命將借鼎耳目之司召對便殿攜茲編以獻渭之疾苦凋耗必且動聖明之軫念涓民其更甦乎斯渭之幸也斯公修志意也

岳纂渭南志序

贊善

錢陳羣

皇上御極以來諸政具舉六年冬

詔天下纂修通志

所以紀因革重文獻示褒揚典至鉅也顧通志體例曰簡曰該絜領振衣非卽領以爲衣也綱舉目張非廢目以爲綱也故言志者必自州縣始余幼時見老儒宿學每從書肆購得州縣舊志卽鼠侵蠹蝕殘缺失次者輒展閱不忍釋手先河後海彼誠有取焉爾矣渭南邑侯岳子子賓與余遇於萬年客舍出所纂縣志稿示余且請爲序子賓之言曰華自承乏茲土將四載矣適大兵西討軍興旁午期會織絡日且不給又何暇弄柔翰爲乃繙閱舊志自順治丙申至今七十餘載其間政治人物皆缺焉未備因是惴



惴焉惟文獻失傳之是懼爰採輯舊聞詢于衆論勿敢以臆見忝也徵乎典籍勿敢以無稽入也討論於邑之搢紳賢士勿敢以私智自矜也夫邑當三秦孔道包下邳并蓮勺延袤二百餘里此七十餘年中世際文明休養生聚寬徭薄賦添戶闢田所著爲令甲者幾何時忠孝節義吏治文學所維持風俗者又幾何人遲之愈久傳之愈難非令之責而誰之責耶烏可當吾世而弗亟亟於此也噫若子賓者可謂知當務之爲急者矣余閱其所纂志稿深服其考据詳贍不滲不支不冗不鑿誠徵信之書也且余祇役關中數往來境內見城郭完固蓋藏充滿四野修治民氣

和樂則知子賓之爲政務實而不務名其爲是志也又非  
循蹈故事以博淹雅通方之目者所可同日語矣行見梓  
成後陳之職方氏將採入統志以收集腋之助豈止爲通  
志取材已耶雍正十年 欽差陝西宣諭化導右春坊  
右贊善加二級錢陳羣題于驪山旅舍

岳纂渭南志序

布政使 沈青崖

西起烏鼠東達船司空亘千七百餘里皆渭也臨渭南北  
郡縣不下數十惟渭源稱其所自始餘皆不以渭名不敢  
以一邑而攬全秦之巨川也若夫京兆以東終南之勢欲  
平少華之趾方拔厥土平行厥流疏暢置縣於陽蔚然畿

赤於是以全秦之巨川名之洵足以當之而無歉歟顧王者畫土分疆命以鴻稱而簡賢宰蒞之宣猷布化不惟其名惟其實耳顧名思義宰固不應以小鮮試割循名責實考績者亦不與蕞爾同科譬之人身血脈周流而醫者必於人兩手間按之以知其臟腑之榮瘁則觀全秦之風氣者入關以來有不以渭南爲兩手腕者哉余侍讀東閣日見有新授雄縣令岳名冠華者言事侃侃奉 旨下其奏於部議讀其劄似老吏而歷履則戎馬書生也固已奇之默識其名矣己酉冬余叅陝藩適岳侯奉 特旨改

授渭南尹始得識其面且觀其措施與曩日之建白脗合

益稔侯之有猷有爲有守表裏如一也夫渭爲全秦血脈  
所貫注而渭南一邑又并治下邾蓮勺賦多地衝頻年秣  
飼羸駱輓輸糗糧所出帑金倍于他邑而侯上承德音下  
諧民力趨赴期集整而暇余又知其才之有餘也未幾果  
以所輯邑新志來相質正蓋誌之所載土地人民政事靡  
不周悉而整頓旋轉之功邑先達亦多論及今越順治丙  
申前修志時已七十五年兩朝生聚教訓迥非草昧初開  
景象則潤色以垂久勢不可已而邑之賢士大夫又樂與  
振新相率徵文考獻以襄是役侯亦以其一邑之文獻襄  
通志之役自是而渭南之政事文章如人身營衛交相和

親親法百集卷十二  
三  
暢睥面益背達於四肢豐腴潤澤其維繫於全秦豈淺鮮  
哉雍正辛亥嘉平朔日陝西西延鳳漢興等處布政使司  
督理糧儲鹽法道沈青崖題

岳纂渭南志序

知府

王紹文

大凡郡邑必有乘誌所以使膺民社者先悉知其疆理之  
廣狹山澤之險易民風之醕澆物產之豐歉以暨先民往  
哲之懿行然後可以修其教不易其俗因民所宜而利導  
之使合乎剛柔文質之中庶幾不嚴而治以上符 聖  
天子一道同風之化非編摩故事也余自戊申歲奉  
命來陝守西安府下車之始於所屬之風土民物每悉心

諮訪且旁搜乘誌蓋土厚水深重本力農關中大抵同俗  
而或奢儉殊風沃瘠異壤則每縣各有異宜無如郡縣舊  
志或闕或畧欲詳考靡由而渭南岳令乃獨考古准今纂  
輯渭南新志其知務哉夫渭南關中大邑也麗府東偏界  
南北山河之間廣袤二百餘里且當孔道之衝其山川如  
鳳凰龍尾渭水白渠靈池光明夙稱名勝其風俗則敦儉  
讓急公賦戒游惰懲奢靡有先民遺風其物產則豐五谷  
殖嘉蔬饒鹿兔魚鱉財賦甲於他邑其人物則若程邈張  
禹仁愿之經畧樂天之文章亦及士女之孝義節烈往往  
代興其名宦則自田式陸贄以後若李希雜之愷悌宜民

宋白之居官有聲皆著茂績於一時流芳譽於千載今岳  
令之爲是志也豈徒侈博洽擅文章窮勝跡供遊觀已哉  
吾知考封域則虔守土之職考山川則詳形勝之勢見物  
產則思財求之所由阜而國賦民用之所由裕見民風  
則思上以爲教下以爲俗化導倡率之所由始見人物則  
思作吾民之典型而發潛德之光見名宦則思爲今日之  
模範而效高山之仰果其奉公守職實心惠政如李希雒  
布澤於下里如宋白之擢左拾遺亦渭南從來之故事而  
循良著績之明效也余拭目望之是爲序西安府知府王

紹文撰

渭南志自序

知縣 岳冠華

西京爲神皋輿區渭南在禹服百里之內蓋昔畿輔地也其間山川人物風土習尙載在史冊可考而知也渭之有志始于南瑞泉先生至東萊尙尹重加修輯歷今七十餘年旣多缺畧文獻無徵非司牧者之責歟予以西蜀末學初仕直隸雄縣值陝省軍興旁午調補此邦蒞任之次年欽奉 諭旨纂修天下通志陝省志館監司沈公實總理之余因得稟承矩矱焉公餘加意採訪廣爲搜羅合前志共計八卷計綱十有二計目九十有七其中疆域戶口風俗物產俱本舊志而增益之所謂光弼將子儀之軍不



過新其壁壘無能出其範圍也至人物傳中分類編次另  
爲標題其名宦鄉賢貞女節婦新列祠祭者詳著於編庶  
幾副 聖天子旌淑闡幽維持世教之盛心哉草創討  
論則集邑中淹博之士共筆削之責余謬任之竊以龍門  
扶風擅長千古論者猶謂班得提要馬失志體記載之難  
幾使後學歛手余之爲是志也甯質勿文甯嚴勿濫不敢  
附會鋪張以失其實俾信今傳後而七十餘年之文獻可  
借以考據也書成上諸志館並爲集腋之一助云雍正十  
年歲在壬子季夏

汪纂渭南志序

陝撫畢沅

昔江淹有言信史之難無出于志蓋志爲國史之一體憲章所在固不得缺焉而弗詳亦不得以浮靡虛妄之詞叅之者也陝服左河右山爲古神臯奧區而渭水西自鳥鼠同穴山東至船司空縣亘者千七百餘里臨渭南北郡縣不下數十唯渭源稱其所自始終之者其渭南縣乎縣故新豐東境又東爲鄭地定名畫界始自符秦歷世一來相沿弗替至元始以下邽併管入縣明因之由是跨有渭北幅隕廣袤軼于前代矣夫縣令職司一方其間如山原川澤物產民風必周知熟悉然後設施舉措咸得其宜非稽之紀載則不足以明其領要然則志書者亦助理之一端

欽余自癸巳歲特蒙

恩命巡撫是邦六載於茲矣凡

屬政事之何先化理之何亟間亦旁徵志乘以爲經紀如  
渭邑省垣首輔尤風化之所自始近奉

旨修華岳廟

每以閱工之役往來是邑尤悉其情形詳其利病求之舊

志舛畧或多前丙申七月入

覲曾具

奏編纂郡

志仰荷

俞允銜

命西旋卽諭各屬延納博雅之

士各加修輯今汪令以成書至得無一言以駢其首乎夫  
渭邑自唐宋以來俱爲赤緊歐陽詹所稱畿縣僅於百而  
渭南爲長者是也地近都會俗阜人殷又當孔道之衝輶  
軒絡繹非得幹練之才廉能之吏則不足以資其理汪令

蓋以名孝廉挑選一等奉

旨發往陝西以知縣試用

者向嘗委署汧沔等邑後

題授鄠令不兩年間見其整

飭庶務井理秩然有守有爲賢聲懋著因復

奏調是

邑人宜其地用當其才今又一載有餘矣以政治之閑任  
編摩之職甄錄繁多文成簡要於古不背於今實詳仿之  
明南志本 朝岳志綦駸駸乎軼而上之我 聖朝久

道化成重熙累洽倘不以其時鼓吹休明頌颺功德是以  
固陋自安也是志成將上溥 國家之化下輸輿衆之情  
者實於是乎在今 朝廷方重修統志大徵天下郡縣

各書以備採擇異日獻之 當宁將使此志爲史冊之信

徵甯僅屬一方之紀錄而已哉若夫因其取與信其從違彰善癉惡感發創懲俾士俗日以醕民風日以樸則尤不能無厚望於此都人士抑以長吏者之責也夫乾隆四十三年

渭南志自序

知縣

汪以誠

渭邑有志始於明知府南公元善當時知縣事者廣安辛萬鈞也增續於叅議南公叔後當時知縣事者東明崔邦亮也三續於尙書南公子興當時知縣事者內江徐吉也四續於通判朱公鴻洲舉人劉公孟常當時知縣事者掖尙公九遷鶴湖陸公贊奇也五續於本朝知縣事鹽亭

岳公冠華惟是比事屬詞條分縷析按策而稽炳炳煌煌諸家書尙矣然歷時既久事蹟繁多往往習于古者忽于今詳於彼者畧於此不得不重商整輯會大中丞畢公入覲奏修各志西旋後卽諭增輯時前署令知耀州事黃岡張公鳳鳴甄錄事實以上四十二年夏以誠奉調承乏又累飭本邑紳士廣爲採輯延請淹雅之士相與商榷而爲編纂焉夫縣志備一方之文獻上稽之古必該而不遺也下証之今必詳而不悖也誤謬者必考正之也溷淆者必縷分之也是在於作者之使無遺憾也至土俗民情尤在乎爲上者之甄別焉是以孝弟者必錄節義者必錄

以收採者示其褒卽以不採者示其貶錄科舉則子弟知所遵循錄官司則長上知所勸戒錄稅賦則胥吏知所法守皆所以示懲創之微旨也是雖一邑之志而史家義例亦具體焉我渭邑瞻近大都人士彙集讀其書者皆能見其意此又以誠稟大中丞命而行之者也書成凡若干卷付之梨棗是時同叅訂者有縣丞高要郭君屏縣學教諭蒲城魏君象烈訓導鄜州羅君麟牲典史烏程姚君益佩例得備書若夫草創之贊襄之則邑中諸君子之功亦多焉

重輯渭南志序

知縣

何耿繩

渭南有志原于邑之南太守大吉其時前明嘉靖辛丑也  
越五十年爲萬曆庚寅太守姪叅議軒修之命曰續編又  
三十一年爲天啟辛酉叅議子宗伯師仲修之則曰增訂  
又三十六年爲國朝順治丙申邑朱別駕可衿修之則  
曰續增蓋叅議宗伯以子姪纂父祖之書別駕又以後進  
繼前賢之業故皆不敢沒其所昉理固宜若是也自是越  
七十七年爲雍正壬子鹽亭岳冠華修焉又四十七年爲  
乾隆戊戌江甯汪以誠修焉岳與汪皆以縣令纂輯故逕  
標之曰渭南縣志云汪後迄今又五十年矣不惟梨棗不  
免磨滅舉凡建置食貨政教等類以多所更改况邑之賢



士大夫嘉言懿行愈久愈湮若不亟爲修輯不幾令來者致慨于文獻之無徵乎第余之始蒞茲邑也值喀什噶爾逆回不靖羽書絡繹無暇及此今者張逆旣俘

皇威

遠懾薄海內外靡弗歡忭于干戈之不復事又况渭南之尤當衝要者哉且也春夏之交雨暘時若川澤効靈麥黍大稔士修于理婦肅于室畜牧蕃息于野令焉者不于公暇網羅散失非其咎歟適桐城姚姬傳先生子庚甫明府至因延司纂訂而以江甯于印川先生副之閱半載竣事系之以重輯亦以諸賢在前且循南志舊例也爲圖十有一表六考十有二傳九共十八卷沿革表暨考傳成諸姚

圖及職官諸表成諸于者也嗟乎渭邑自兩漢以來名賢  
接武香山萊公其尤著者前明科第益盛而南氏爲最儒  
林忠孝萃于一門不獨軒冕爲邑中冠也本 朝王承祖

楊天縱張世永蔣兆奎等或以經濟顯或以武畧著或以  
忠烈垂諸奕世加之人篤孝友家明節概洵禮教之鄉也  
哉官于此者值 國家太平翔洽之期 累朝渥澤深

仁之際孰敢不盡心牧愛以葆其淳以章 朝廷之盛

耶顧敷治布化時各有宜昔所苦者徭賦今則稅薄而役  
寡矣昔所虞者奢侈今則崇儉而好德矣然而南山多寄  
寓之氓濱渭巖漢回之別則又今昔之不無少異者夫以

惟魯無知之民而敢肆其桀驁難馴之性豈有他哉其所  
以教焉者非其道耳古者無異教亦無異學故治之者必  
使之皆出于一出于一則良生而氣柔氣柔則不競良生  
則相親夫然後蒸蒸大同而無所謂猜忌觸犯焉矣顧今  
猶未也然則余也曠覽渭水南北之區能無日兢惕于仔  
肩之重乎哉因志之既成書焉以弁其首道光九年正月